



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 104. Existimatorum Reformatorum, & Pinczoviensium Synodus Sereniæ
celebrata.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.

§. CIV.

A.C 1567.

*Existimatorum Reformatorum, &
Pinczoviensium Synodus Sere-
niæ celebrata.*

*Lubienski
hist Ref.
Eccl. Pol.
Sandius
Bibl. Anti-
trin. p. 48.*

Interea diffidia Pinczovienses inter, & spurios reformatos semper continuabantur, ac disputationes ultro, citroque non sine ingenti vehementia fervebant: insuper præter Conciliabulum Lublini anno priori celebratum, rursus aliud Seriniæ exiguo minoris Poloniæ oppido ad diem vigesimam quartam Junii anni supra millesimum quingentesimi sexagesimi septimi indicebatur, ubi convenerant centum, ac decem Viri tam generis nobilitate, quam munerum dignitate conspicui, præter innumeram utriusque sexus multitudinem, quam ex plebæis vel rei novitas, vel alia negotia illuc attraxerant. Huic Synodo rursus Philippovius præerat, incassum ringentibus quibusdam Sacramentariis, qui hujus Præsidis fidem sibi suspectam habebant: acta autem hujus Conciliabuli conscribere jubebantur Criscovius, & Swzechovius nomine Casanovii, & Farnovii, aliorumque, qui una omnes, quod Verbum, seu Dei Filius ante Mariam extiterit, ac Cæli, terræque Creator æque, ac Pater fuerit, propugnabant, ac proin veri erant Ariani, atque hujus hære-

hæresiarchæ errores defendere nitebantur, eo quod Verbum ab æterno fuisse, minime adderent. Ex adverso Coscianus, & Budzinius nominabantur a secretis pro parte Schomanni, Gregorii Pauli, Sexurini, Albini, & Calvinovii, qui asserebant, quod Filius, Verbum Patris interpres, seu Jesus ante mundi originem non exstiterit, nec esse cœperit nisi sancti Joannis Baptistæ ætate, ac Cæsaris Augusti tempore: adhærebant enim Lælii Socini opinioni, qui tradebat, quod Christus Dominus non fuerit, usque dum Maria eum concepit. Porro diu utrinque disceptatum, postquam vero quilibet allegatos sacræ Scripturæ textus pro proprio suo genio explicaverat, eosque ad suæ causæ defensionem detorserat, discessum est, cum minori tamen tumultuantium strepitu, ac in prioribus conventiculis factum.

Sæcul XVI.
A.C. 1567.

§. CV.

Autonomia Philippovii suasu in Polonia Ecclesiis stabilita.

Farnovius inter suos magni nominis Vir, cum cedere haud assuetus esset, adversus eos, qui Jesum Christum ante Matrem suam exstitisse negabant, acriter calamum suum stringere aggrediebatur, unde in sectariorum Ecclesiis novæ oriebantur dissensiones, ex iis
vero